

o stvarnim pravima ("Službene novine Federacije BiH", broj 66/13 i 100/13), člana 6. stav 2, člana 55. stav 1 i člana 56. Zakona o premjeru i katastru zemljišta ("Službeni list SRBiH", broj 14/78, 12/87, 26/90), ("Službeni list R BiH", broj 4/93 i 13/94), a u vezi sa članom 7., 119., 120. i 121. Pravilnika o održavanju premjera, katastra zemljišta i katastra nekretnina ("Službene novine Federacije BiH", broj 87/22), Općinsko vijeće Općine Novi Grad Sarajevo, na 4. sjednici održanoj dana 27.02.2025. godine, donosi

PLAN SANACIJE ZA K.O. DOBRINJA

Član 1.

Predmet Plana sanacije je parcelacija i uplanjenje zgrada kolektivnog stanovanja koje nisu evidentirane u katastarskom operatu, a sadrže minimalno jednu etažnu jedinicu koja je evidentirana u Knjizi položenih položenih ugovora u zemljišnoj knjizi i zgrada koje su evidentirane u katastarskom operatu kao stambene zgrade, a sadrže minimalno jednu etažnu jedinicu u Knjizi položenih ugovora, ali za te zgrade nije formirana katastarska parcela u skladu sa Zakonom o stvarnim pravima Federacije BiH.

Član 2.

Planom sanacije su obuhvaćene sve katastarske čestice u K.O. Dobrinja, a koje su definisane obuhvatom kojeg zatvaraju ulice - na jugu ulica Kurta Shorka do granice općine Novi Grad Sarajevo na istoku, koja dalje ide granicom općine u smjeru sjevera do presjecanja sa ulicom Želimira Vidovića Kelija i ide prema zapadu do kružnog toka na A transverzali kada granica ide A transverzalom sve do ulice Ramiza Salčina i ide sve do presjecanja sa ulicom Aleja Bosne Srebrenice, a zatim lomi prema jugu do presjecanja sa ulicom Kurta Shorka.

Član 3.

- (1) Služba za katastar će po službenoj dužnosti izvršiti snimanje, parcelaciju i uplanjenje u katastarski operat svih zgrada za koje se utvrdi da pripadaju kategoriji definiranoj članom 1. ovog Plana;
- (2) Obzirom da se radi o prenosu ranije upisanog etažnog vlasništva na izdvojenim dijelovima iz Knjige položenih ugovora u novu zemljišnu knjigu, nije neophodno pribavljati odobrenje za upotrebu te zgrade;
- (3) Kod određivanja parcele zgrade potrebno je voditi računa da se jedna etažna jedinica ne može prostirati na dvije zgrade, kao i da se jedna zgrada ne može nalaziti na više parcela, to jest biće formirana parcela pod zgradom;
- (4) Na novonastalim parcelama, u ovom postupku, biće zadržano postojeće posjedovno stanje;
- (5) U slučaju ako se parcela zgrade formira od dijelova parcela različitih posjedovnih listova, udio posjeda se određuje proporcionalno udjelu površine u novonastaloj parceli.

Član 4.

Nakon usvajanja Plana sanacije za K.O. Dobrinja biće izvršeno geodetsko snimanje parcela objekata i evidentirane promjene u katastarskom operatu.

Član 5.

Postupkom parcelacije i uplanjenja zgrada iz člana 1. Plana zadržavaju se postojeći imovinsko-pravni odnosi na predmetnim nekretninama, a isti će se rješavati u pojedinačnim postupcima pred nadležnim tijelima, u skladu sa zakonskim propisima.

Član 6.

Ovaj Plan sanacije stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-4204/25

Veza broj 02/04-26/25
28. februara 2025. godine
Sarajevo

Predsjedavajući
Općinskog vijeća
Jasmin Šošić, s. r.

OPĆINA STARI GRAD SARAJEVO

Općinsko vijeće

Na osnovu člana 17. Odluke o privremenom korištenju javnih površina na području Općine Stari Grad Sarajevo ("Službene novine Kantona Sarajevo", broj 14/24, 22/24, 25/24 i 32/24), članova 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), i člana 26. Statuta Općine Stari Grad Sarajevo ("Službene novine Kantona Sarajevo", broj 20/24), Općinsko vijeće Općine Stari Grad Sarajevo, na 3. redovnoj sjednici održanoj dana 30.01.2025. godine, donijelo je

ODLUKU

O USVAJANJU PLANA KORIŠĆENJA JAVNIH POVRŠINA NA PODRUČJU OPĆINE STARI GRAD SARAJEVO ZA 2025. GODINU

Član 1.

Usvaja se Plan korišćenja javnih površina na području Općine Stari Grad Sarajevo za 2025-u godinu, a za koji je izdata saglasnost broj 04-23-18715 od 23.12.2024. godine od strane Ministarstva saobraćaja Kantona Sarajevo - Direkcija za puteve.

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-94/25
Januara, 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09) i 26. Statuta Općine Stari Grad Sarajevo ("Službene novine Kantona Sarajevo", broj 20/24), na 4. redovnoj sjednici održanoj dana 27.02.2025. godine, Općinsko vijeće Stari Grad Sarajevo, donosi

ODLUKU

O USLOVIMA I POSTUPKU DODJELE FINANSIJSKIH SREDSTAVA IZ BUDŽETA OPĆINE STARI GRAD SARAJEVO ZA PODRŠKU I PROMOCIJU U IZDAVAŠTVU

I - OPĆE ODREDBE

Član 1.

(Predmet Odluke)

- (1) Ovom Odlukom utvrđuju se uslovi i postupak dodjele finansijskih sredstava iz Budžeta Općine Stari Grad Sarajevo za podršku i promociju izdavaštva.
- (2) Pod izdavaštvom u smislu odredaba ove Odluke podrazumjeva se štampanje knjiga, časopisa, novina i drugih publikacija, kao i digitalno izdavaštvo, odnosno

izdavanje e-knjiga, online časopisa i multimedijalnih publikacija.

- (3) Pod promocijom izdavaštva u smislu odredaba ove Odluke podrazumjeva se organizacija promocija u vidu događaja, medijska promocija, kao i drugi vidovi marketinga, koji imaju za cilj da se određeno djelo promovira širem krugu ljudi.

II - OPĆI I POSEBNI USLOVI ZA DODJELU FINANSIJSKIH SREDSTAVA ZA PODRŠKU I PROMOCIJU IZDAVAŠTVU

Član 2.

(Uslovi za dodjelu finansijskih sredstava za podršku i promociju izdavaštvu)

Uslovi za dodjelu finansijskih sredstava za podršku i promociju izdavaštvu shodno odredbama ove Odluke utvrđuju se kao:

- opći uslovi;
- posebni uslovi.

Član 3.

(Opći uslovi)

Opći uslovi shodno odredbama ove Odluke, koji moraju biti ispunjeni da bi se dodjelila sredstva za podršku i promociju izdavaštva su da:

- predmetno djelo doprinosi promociji vrijednostima i pravima zaštićenim Ustavom Bosne i Hercegovine, zakonskim i podzakonskim aktima u Bosni i Hercegovini;
- predmetnim djelom se ne vrijeđaju prava zaštićena Europskom konvencijom o ljudskim pravima, prava nacionalnih, vjerskih, kulturnih i drugih manjina, kao i druga prava zaštićena relevantnim zakonskim i podzakonskim aktima.

Član 4.

(Posebni uslovi)

Pored općih uslova iz člana 3. ove Odluke, potrebno je da bude ispunjen i jedan od sljedećih posebnih uslova, za dodjelu finansijskih sredstava za unaprjeđenje i promociju izdavaštva:

- da se djelom za čije se izdavaštvo ili promociju traže finansijska sredstva doprinosi promociji Općine, Kantona Sarajevo, Federacije Bosne i Hercegovine ili Bosne i Hercegovine;
- da se djelom za čije se izdavaštvo ili promociju traže finansijska sredstva doprinosi realizaciji ciljeva i prioriteta, koje je Općina odredila kroz relevantne strateške dokumente;
- da se djelom za čije se izdavaštvo ili promociju traže finansijska sredstva doprinosi očuvanju sjećanja na događaje, datume ili ličnosti koje su ostavile poseban pečat na Općinu, Kanton Sarajevo, Federaciju Bosne i Hercegovine ili Bosnu i Hercegovinu;
- da se djelom za čije se izdavaštvo ili promociju traže finansijska sredstva doprinosi zadovoljavanju zajedničkih interesa i rješavanju zajedničkih pitanja na području Općine, Kantona Sarajevo, Federacije Bosne i Hercegovine ili Bosne i Hercegovine za boračke kategorije;
- da se djelom za čije se izdavaštvo ili promociju traže finansijska sredstva doprinosi jačanju i razvoju turizma na području Općine, Kantona Sarajevo,

Federacije Bosne i Hercegovine ili Bosne i Hercegovine;

- da se djelom za čije se izdavaštvo ili promociju traže finansijska sredstva doprinosi očuvanju, njegovanju kulture sjećanja i tradicije odbrambeno-oslobodilačkog rata 1992.-1995. godine vezano za područje Općine, Kantona Sarajevo, Federacije Bosne i Hercegovine ili Bosne i Hercegovine, kao i odbrambeno-oslobodilačkog rata 1941.-1945. godine vezano za područje Općine, Kantona Sarajevo, Federacije Bosne i Hercegovine ili Bosne i Hercegovine;
- da se djelom za čije se izdavaštvo ili promociju traže finansijska sredstva doprinosi unaprjeđenju kulture i sporta vezano za područje Općine, Kantona Sarajevo, Federacije Bosne i Hercegovine ili Bosne i Hercegovine.

III - JAVNI POZIV ZA DODJELU FINANSIJSKIH SREDSTAVA ZA UNAPRJEĐENJE I PROMOCIJU IZDAVAŠTVU

Član 5.

(Javni poziv)

- (1) Finansijska sredstva iz Budžeta Općine za unaprjeđenje i promociju izdavaštva dodjeljuju se isključivo putem Javnog poziva, koji raspisuje Općinski načelnik nakon usvajanja Budžeta za tekuću godinu i donošenja Odluke o raspisivanju Javnog poziva.
- (2) Odlukom iz stava (1) ovog člana se pokreće postupak dodjele finansijskih sredstava za unaprjeđenje i promociju izdavaštva, kojom se utvrđuje ukupan iznos sredstava planiran u navedenu svrhu za tekuću godinu, te koja sadrži i druge podatke u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH" broj 37/24).
- (3) Javni poziv iz stava (1) ovog člana ostaje otvoren do 15.12. tekuće godine.
- (4) Javni poziv se objavljuje u jednom dnevnom listu ili na web stranici Općine Stari Grad Sarajevo.
- (5) Odluku i Javni poziv iz stava (1) ovog člana priprema i dostavlja Općinskom načelniku Stručna služba kabineta Općinskog načelnika.

Član 6.

(Sadržaj Javnog poziva)

- (1) Javni poziv obavezno sadrži:
 - Naziv organa koji raspisuje poziv;
 - Naznaku da fizička i pravna lica mogu aplicirati na javni poziv za unaprjeđenje i promociju izdavaštva;
 - Naznaku da fizička i pravna lica mogu aplicirati na javni poziv na način da apliciraju samo za unaprjeđenje izdavaštva ili samo za promociju izdavaštva ili po oba osnova;
 - Spisak dokumentacije koja se obavezno dostavlja uz prijavu;
 - Aplikaciju za prijavu na Javni poziv;
 - Rok za prijavu na Javni poziv;
 - Iznos finansijskih sredstava, planiran u Budžetu za unaprjeđenje i promociju izdavaštva po Javnom pozivu;
 - Vremenski period za koji se Javni poziv raspisuje;

- Informacije o načinu komunikacije tokom trajanja Javnog poziva (kontakt osoba, kontakt podaci, način zahtjevanja dodatnih informacija i sl);
- Druge podatke shodno Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24);

(2) Sastavni dio Javnog poziva je aplikacija za prijavu na isti.

Član 7.

(Dokumentacija za prijavu na Javni poziv)

Uz popunjenu aplikaciju, koja je sastavni dio Javnog poziva, za prijavu na isti, aplikant je obavezan dostaviti sljedeću dokumentaciju:

- Opis djela za koje se traži finansijska podrška, kao i primjerak istog;
- Opis promocije za koju se traži finansijska podrška;
- Rješenje o registraciji; (za pravna lica)
- Uvjerenje o poreskoj registraciji - identifikacioni broj; (za pravna lica)
- Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu); (za pravna lica)
- Dokaz da ispunjava najmanje jedan od posebnih uslova iz člana 4. ove Odluke;
- Dokaz o urednom pravdanju sredstava dodijeljenih u prethodnim godinama iz Budžeta Općine;
- Dokaz da protiv podnosioca prijave, odnosno lica ovlaštenih za zastupanje se ne vodi krivični postupak i da nije pravosnažno osuđen za prekršaj i/ili počinjenje krivičnog djela;
- Drugu dokumentaciju traženu Javnim pozivom.

IV - KOMISIJA ZA POSTUPANJE PO APLIKACIJAMA NA JAVNI POZIV

Član 8.

(Komisija)

- (1) Općinski načelnik prije raspisivanja Javnog poziva iz člana 5. ove Odluke, imenuje Komisiju za postupanje po aplikacijama na Javni poziv za finansiranje unaprjeđenja i promocije izdavaštva (u daljem tekstu: Komisija).
- (2) Komisija se imenuje na period od 12 (dvanaest) mjeseci i broji 3 (tri) člana, od kojih je jedan predsjednik Komisije, a čine je državni službenici i namještenici Općine Stari Grad Sarajevo.
- (3) Komisija ima zadatak da svaki mjesec napravi presjek svih pristiglih aplikacija, tako da:
 - Pregleda sve aplikacije sa dostavljenom dokumentacijom;
 - Stručnoj službi kabineta Općinskog načelnika dostavlja informaciju o aplikacijama uz koje nije dostavljena obavezna dokumentacija iz člana 7. ove Odluke, te odbacuje kao da nisu ni podnesene, a o čemu aplikanta pismenim putem obavještava Stručna služba kabineta Općinskog načelnika;
 - Aplikacije koje ispunjavaju opće i posebne kriterije utvrđene ovom Odlukom dostavlja Općinskom načelniku na dalje postupanje uz preporuku da li da odobri dodjeljivanje sredstava za predmetni projekat ili aktivnost, uz obavezu ostvarivanja najmanje 60% od ukupnog broja bodova, uz prijedlog iznosa

sredstava koja su opravdana za dodjelu shodno ukupnom broju bodova aplikacije.

- (4) Prilikom sačinjavanja preporuke, Komisija će obavezno uzeti u obzir, te bodovati sljedeće elemente bodovima od 1 do 5, koje će dodatno razraditi obrascem za bodovanje, shodno Smjernicama o minimalnim standardima dodjele proračunskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24), a što Komisija utvrđuje posebnim Uputstvom:

- kvalitet prijave;

- (5) Svaki član Komisije boduje kriterije iz stava (4) ovog člana, te zbir bodova svih članova Komisije predstavlja ostvarene bodove aplikanta.

V - ODLUKA O DODJELI FINANSIJSKIH SREDSTAVA ZA UNAPRJEĐENJA I PROMOCIJU IZDAVAŠTVA

Član 9.

(Odluka o dodjeli finansijskih sredstava)

- Općinski načelnik na osnovu preporuke Komisije iz člana 8. ove Odluke donosi odluku kojom odobrava dodjelu finansijskih sredstava za unaprjeđenje i promociju izdavaštva.

Član 10.

(Ugovor sa korisnicima finansijskih sredstava)

- (1) Općinski načelnik po osnovu Odluke iz člana 9. ove Odluke, zaključuje Ugovor o dodjeli finansijskih sredstava za unaprjeđenje i promociju izdavaštva.
- (2) Za dodijeljena sredstva po osnovu ugovora iz stava (1) ovog člana obavezno je pravdanje najkasnije u roku od 6 (šest) mjeseci od dana potpisivanja istog.
- (3) Ukoliko se ne opravdaju sredstva na način da su ista utrošena u svrhu za koju je zaključen ugovor iz stava (1) ovog člana, podnosilac zahtjeva je obavezan finansijska sredstva vratiti u roku 30 (trideset) dana, u protivnom će se pokrenuti postupak pred nadležnim sudom putem Pravobranilaštva Općine Stari Grad Sarajevo, a isti neće imati pravo na dodjelu sredstava iz Budžeta Općine narednih 5 (pet) godina.
- (4) Ugovor iz stava (1) ovog člana priprema Stručna služba kabineta Općinskog načelnika Općine Stari Grad Sarajevo.

VI - PRAĆENJE REALIZACIJE UTROŠKA SREDSTAVA

Član 11.

(Praćenje dodijeljenih finansijskih sredstava)

- (1) Općinski načelnik posebnim rješenjem formira Komisiju za praćenje realizacije i utroška dodijeljenih sredstava za tekuću godinu po osnovu svih javnih poziva po kojima se dodjeljuju sredstva iz Budžeta Općine Stari Grad Sarajevo, a koja prati i utrošak i pravdanje finansijskih sredstava dodijeljenih po osnovu ove Odluke.
- (2) Komisija iz stava (1) ovog člana dostavlja izvještaj Općinskom načelniku svakih 6 (šest) mjeseci o praćenju pravljanja finansijskih sredstava dodijeljenih po osnovu ove Odluke.
- (3) Komisija iz stava (1) ovog člana dostavlja izvještaj Općinskom vijeću u januaru za prethodnu godinu, u kojem će biti detaljno navedeni rezultati praćenja pravljanja finansijskih sredstava dodijeljenih po osnovu ove Odluke.

VII - PRELAZNE I ZAVRŠNE ODREDBE**Član 12.**

(Stupanje na snagu Odluke)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-162/25
27. februara 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 44. i 57a. Zakona o pravobranilaštvu ("Službene novine Kantona Sarajevo", broj 33/08 - Prečišćeni tekst, 7/12 i 44/16) i člana 26. Statuta Općine Stari Grad Sarajevo ("Službene novine Kantona Sarajevo", broj 20/24), Općinsko vijeće Stari Grad Sarajevo, na 4. redovnoj sjednici održanoj 27.02.2025. godine, donijelo je

ODLUKU**O IZMJENAMA I DOPUNAMA ODLUKE O
PRAVOBRANILAŠTVU OPĆINE STARI GRAD
SARAJEVO****Član 1.**

Mijenja se i dopunjuje Odluka o Pravobranilaštvu Općine Stari Grad Sarajevo ("Službene novine Kantona Sarajevo", broj 23/17) tako da u preambuli iste umjesto riječi: "člana 25. Statuta Općine Stari Grad Sarajevo ("Službene novine Kantona Sarajevo", broj 20/13)" treba da stoje riječi: "člana 26. Statuta Općine Stari Grad Sarajevo ("Službene novine Kantona Sarajevo", broj 20/24)".

Član 2.

Član 16. mijenja se i glasi:

"Član 16.

Prije stupanja na dužnost pravobranilac i zamjenik pravobranioca daju svečanu izjavu pred predsjedavajućim Općinskog vijeća.

Tekst svečane izjave glasi:

"Izjavljujem da ću se u vršenju službe pravobranioca - zamjenika pravobranioca, pridržavati ustava i zakona Bosne i Hercegovine, Federacije Bosne i Hercegovine i Kantona Sarajevo i da ću službu vršiti savjesno."

Član 3.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-163/25
27. februara 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 26. Statuta Općine Stari Grad Sarajevo ("Službene novine Kantona Sarajevo", broj 20/24), na 4. redovnoj sjednici održanoj dana 27.02.2025. godine, Općinsko vijeće Stari Grad Sarajevo donosi

ODLUKU**O FORMIRANJU ORGANIZACIONOG ODBORA ZA
OBILJEŽAVANJE DANA OPĆINE STARI GRAD
SARAJEVO U 2025. GODINI****Član 1.**

Formira se Organizacioni odbor za obilježavanje 2. maja, Dana Općine Stari Grad Sarajevo u 2025. godine, u sastavu:

1. Irfan Čengić, općinski načelnik - predsjednik

2. Seid Škaljić, predsjedavajući općinskog vijeća - zamjenik predsjednika
3. Vedad Deljković, zamjenik predsjedavajućeg općinskog vijeća - član
4. Kerim Smailbegović, zamjenik predsjedavajućeg općinskog vijeća - član
5. Adela Plakalo, sekretarka organa državne službe, članica
6. Ajla Mrnjavac, rukovodilac Stručne službe kabineta općinskog načelnika, članica
7. Mirna Pecikoza, stručna saradnica za informisanje u Stručnoj službi kabineta općinskog načelnika - članica
8. Sanin Hadžibajrić, pomoćnik općinskog načelnika za poslove mjesnih zajednica - član
9. Enida Osmanagić, pomoćnica općinskog načelnika za obrazovanje, kulturu, sport i mlade, po ovlaštenju - članica
10. Edina Osmanagić, pomoćnica općinskog načelnika za budžet i finansije, po ovlaštenju - članica
11. Nedim Šahović, stručni savjetnik za protokolarne poslove i međunarodnu saradnju u Stručnoj službi kabineta općinskog načelnika, član
12. Samija Šabeta, viši samostalni referent - članica

Član 2.

Organizacioni odbor se zadužuje da u svrhu organizacije obilježavanja Dana Općine Stari Grad Sarajevo, obavi sljedeće poslove:

- Utvrdi Program obilježavanja Dana Općine Stari Grad Sarajevo za 2025. godinu;
- Utvrdi finansijski plan, sa razrađenim stavkama utroška sredstava shodno Programu obilježavanja, a u skladu sa Budžetom Općine Stari Grad Sarajevo za 2025. godinu;
- Prati realizaciju Programa obilježavanja Dana Općine Stari Grad Sarajevo za 2025. godinu;
- Prati utrošak sredstava prema utvrđenom finansijskom planu sa razrađenim stavkama utroška sredstava shodno Programu obilježavanja, a u skladu sa Budžetom Općine Stari Grad Sarajevo za 2025. godinu;
- Utvrđuje oblik i izgled (dizajn) priznanja.

Član 3.

Organizacioni odbor o svom radu vodi zapisnike sa radnih sastanaka.

Član 4.

Organizacioni odbor je obavezan po okončanju obilježavanja Dana Općine Stari Grad Sarajevo dostaviti Izvještaj o radu, kao i utrošku sredstava Općinskom vijeću Stari Grad Sarajevo.

Član 5.

Nabavke roba, usluga i radova neophodnih za realizaciju Programa obilježavanja Dana Općine Stari Grad Sarajevo za 2025. godinu, provode se prema finansijskom planu iz člana 3. ove Odluke, a sve u skladu sa Planom javnih nabavki Općine Stari Grad Sarajevo za 2025. godinu i odredbama Zakona o javnim nabavkama Bosne i Hercegovine ("Službeni glasnik BiH", broj 39/14, 59/22 i 50/24).